

澚墅關志卷之五

督理澚墅鈔關禮部祠祭清吏司主事陳常夏鑒定

蘇州府吳縣學纂修郡縣志廩膳生員孫珮纂輯

錢鈔

錢法之弊莫甚於明乃造鈔抑之以統其權鈔爛倒換維艱歷久價值漸賤官府空存其額民間竟視爲無用商稅收鈔輸內府名曰本色本色不足召商收買充庫用奸徒射利軍民交困繼以錢鈔兼行罷復不常不能無弊後以折色爲主錢佐之歲額中所以有銅觔之數也

皇清關稅悉徵折色扣二萬九千餘兩以資寶泉鼓鑄官商交澚墅關志

卷五

一

便仍不失錢鈔舊制之意云

明

諸司職掌

凡印造大明寶鈔與歷代錢相兼行使每鈔一貫准錢一千文其實鈔提舉司每歲于三月內興工印造十月內住工其所造鈔錠本司具印信長單及關領勘合將實進鈔錠照數填寫送赴內府庫收貯以備賞賜支用其民間行使及稅課司局河沿所收受課鈔除挑描僞鈔外其餘不分油污水迹及破爛務要收受如有阻壞照依本部原給鈔法榜文內例治罪

會典事例

洪武八年詔中書省造大明寶鈔取桑穰爲鈔料其制方高一尺濶六寸許以青色爲質外爲龍文花欄題其額曰大明通行寶鈔內上兩旁復爲篆文八字曰大明寶鈔天下通行中圖鈔狀十串則爲一貫其下曰戶部奏准印造大明寶鈔與銅錢通行使用僞造者斬告捕者賞銀二百五十兩仍給犯人財產若五百文則畫鈔文爲五串餘如其制而遞減之每鈔一貫折銅錢一千文銀一兩其餘以是爲差其等凡六日一貫五百文四百文三百文二百文一百文每鈔四貫易赤金一兩禁民間不得以金銀物貨交易違者治罪告發者就

澠墅關志

卷五

二一

以其物給賞若有以金銀易鈔者聽凡商稅課錢鈔兼收錢十三鈔七十一百以下則止用銅錢

○十八年令酒醋課諸色若有布泉米穀等項俱折收金銀錢鈔

○二十四年榜諭各處衙門河泊所官吏每收辦課程不許勒要料鈔但鈔有字貫可辨真僞者不問破爛油污水跡紙補卽與收受解京

○二十七年令軍民商賈所有銅錢有司收歸官依數換鈔不許行使

永樂元年以鈔法不通禁用金銀交易犯者准姦惡論又令各

處稅糧課程贓罰俱准折收鈔

宣德四年令湖廣廣西浙江商稅課納銀者折收鈔每鈔一百貫准銀一百兩又令順天應天蘇松等處共三十三府州縣市鎮店肆門攤稅課加五倍候鈔法通止

時澚墅鎮納門攤鈔

○九年奏准各司府州稅課司局等衙門及沿河監收船料官所收鈔不分軟爛破損油污水跡但有一貫二字可辨真僞者俱不揀退

景泰四年奏准錢鈔兼行

成化元年令京城并九門都稅宣課等司及各處商稅錢鈔中半兼收每鈔一貫折錢四文○又令各處船料鈔俱錢鈔中

澚墅關志

卷五

三

半兼收每錢四文折鈔一貫

○三年令內外課程俱錢鈔中半兼收

○六年令商稅照舊收鈔

○十六年奏准京城九門及都稅宣課司等衙門收錢

弘治元年令在京崇文等九門上新河張家灣臨清淮揚蘇杭各稅課司每鈔一貫折收銀三釐每錢七文折收銀一分解京其存留者每銀一兩折鈔七百貫

○六年令各鈔關照則例每鈔一貫折銀三釐每錢七文折銀一分

○八年主事劉景寅奏准查照舊制仍收錢鈔

正德元年令每鈔一貫折銀二釐

○二年議准七處鈔關船料商稅三年四年俱收本色錢鈔送司鑰庫交收五年以後俱折收銀兩進內承應庫應用

○七年令在京九門稅課在外各鈔關俱收舊錢與國朝銅錢相兼行使

○八年令臨清河西務自本年起淮安潞野杭州自九年起各船料及商稅課程俱收受本色錢鈔

○十四年令各鈔關暫折收銀兩按季差官解部轉送太倉銀庫

○十六年司鑰庫太監劉榮等奏准河西務臨清揚州淮安

潞野關志

卷五

四

潞野各鈔關自嘉靖元年爲始照舊收受本色錢鈔

嘉靖元年巡按御史馬錄會同巡撫都御史李充嗣奏准潞野鈔關收納本色錢鈔軍民不便仍舊折銀

○四年令宣課分司收稅每鈔一貫折銀三釐每錢七文折銀一分

○五年令各處鈔關兼收本色錢鈔折色銀兩自嘉靖七年以後銀兩送承運庫錢鈔送廣惠庫交收

○六年奏准船料商稅門攤等項兼收洪武永樂宣德弘治銅錢進內

○八年巡按御史魏有本奏准各鈔關自嘉靖八年十月初

一日爲始每鈔一貫折銀三釐每錢七文折銀一分

○十七年太監王滿奏請商稅徵解本色錢鈔戶工二部議覆自嘉靖八年以後行令各鈔關仍照舊徵銀解部不必送內府承運庫改于太倉銀庫收貯以備召商之用

○二十年太監王滿奏請商稅徵解本色錢鈔戶部議覆各鈔關稅課一年大約收納錢鈔二萬五千餘塊每塊折收銀五兩八錢五分八釐八絲二忽八微共約有銀一十五萬餘兩以本部召商一塊給銀三兩二三錢每塊省剩餘銀二兩五六錢一年計算積有餘銀六萬餘兩可以濟邊儲及大工支用仍令各關照舊徵銀

○二十一年太監王滿奏請各鈔關徵收本色錢鈔戶部議覆崇文門宣課分司并河西務各商稅徵收本色錢鈔其臨清以南各鈔關離京漸遠本色錢鈔難辦應徵收折銀以備召商奉旨在京在外一體徵收本色錢鈔

○二十五年戶部爲急缺織造銀兩行令蘇州鈔關員外郎蔣宗魯自本年冬季起各收折色銀一萬兩完日停止仍收本色

○二十七年南京科道鄭維誠等條陳奉旨錢鈔徵收本色以備朝廷不時賞用今既這等說以後本折著逐年輪流徵解

○三十三年澣墅關主事高光呈稱倭寇騷擾商賈缺乏錢鈔請暫假折色以便商民奉旨暫准收折色一年以後照前旨輪收并解扛等費各銀兩傾瀉成錠差人按季解部

○三十九年令九江澣墅二關應納本色之年六分扣一解送太倉者改爲七分扣二臨清淮揚河西務等處原未有扣者照二關一體扣解

隆慶六年令各鈔關折收銀兩

萬曆二年主事周有光呈請照舊例每鈔一十貫錢二十文折銀七分內將五分召商頓買錢鈔如例上納扣留二分解送太倉接濟邊餉錢鈔扛櫃包索盤纏等費俱于五分之內扣

澣墅關志

卷五

六

算如有餘仍令買補錢鈔同扣留餘銀一并解京部劄仰照舊例行

○七年題准各鈔關解納本色錢鈔以後照例算銀按季總委附近州縣官給文解部

○十三年員外郎趙經以錢鈔湧貴呈請增價每鈔一千貫給銀一兩嘉靖錢每一千文給銀二兩五錢古代黃錢照舊給銀一兩六錢以後年分若錢鈔通行另議酌減

○十五年奏准鈔價騰湧船料商稅自萬曆十五年七月初一日始逐年本折兼收一半折色解銀太倉一半本色查照見行事例除七分扣二外將應解錢鈔責令經收庫役照數

完買每年分爲兩次解送廣惠庫交納

又戶部議萬曆與古代錢時值不甚相遠無庸復議惟鈔每千貫定價一兩稍屬太多相應酌減少資國計查各鈔關解到鈔貫每十分于內止進二分鈔其八分俱係折錢其二分本色鈔每千貫止給八錢

○二十二年戶部奏准各關稅本色鈔錠詢訪民間十無一二收買甚艱以後各關起解本色價銀到部遇鈔多時照例錢鈔併納倘遇缺鈔卽照價量折銅錢

○四十一年滸墅鈔關本色鈔五百八十六萬餘貫錢一千一百七十三萬餘文俱折色

滸墅關志

卷五

七

○四十五年滸墅鈔關本色錢鈔折色四萬五千餘兩

天啓元年會議遼餉加增折色

○五年加增折色新餉

崇禎元年加增折色新餉

○二年會議加增折色新餉

○三年遵旨酌議加增折色新餉

○七年奉劄加增折色新餉

○十七年奉詔照崇禎三年舊額徵解折色于三分之一中蠲免一分

皇清

順治二年照崇禎三年折色徵收內扣銅觔銀買銅解部

○十四年辦銅四十四萬八千八百四十二觔

每觔六分五釐

康熙八年戶部奏准各關差回部之日咨錢法侍郎限二月內嚴催全完若過限不完將所欠細數該錢法侍郎確查明白咨回臣部

題叅重處其辦銅觔解役保人仍咨該撫照數監追變產正以侵盜官銀之罪若一年限滿不完限監督四箇月賠補如再不完解任追補俟至完之日具題開復

○十三年戶部奏准各關銅觔銀兩暫留一半撥充兵餉

澣野關志

卷五

八

○十八年戶部會議得臺臣黃斐疏稱康熙十七年寶泉局寶源局銅觔不敷莫若分爲三限辦解等語查先經臣部因需用兵餉自康熙十三年起至十八年十二月止將銅停買一半其各關額辦銅觔俱動首季稅銀採買違限處分所請分爲三限辦解無庸議又疏稱關差回部有初限再限之處分辨銅人役該撫有責懲變產之處合無將人役所欠銅觔查果否有力追完者依例發落其真無可追者立行監督完償等語查各關辦銅之人若一年限內不完以家產變追將本身入官監督解任賠補今若以辦得者收取不能辦得者着監督追取免其辦銅必致拖欠此處亦無庸議又疏稱辦



銅人役包攬取辦京師請飭仕差諸臣諭令就近採買缺額者到京辦足等語查各關辦銅原係就近產銅地方採買並不令其在京採辦申飭各關務在就近產銅價賤之處採解可也奉

旨依議

○二十五年戶部等衙門議覆每觔原價六分五釐今酌量每觔加增三分五釐共一錢濟關共增銅價一萬五千七百九兩奉

旨依議

○三十一年奉

濟野關志

卷五

九

旨嗣後各關差官員於京城浼人購銅及令衙役解銅俱着嚴行禁止務於該差地方如數辦買銅觔令同差筆帖式依期親解送部